

God is met ons

DAG 25

Christene – die gesalfdes

Lees Lukas 4:18-19.

*In Antiogië is die gelowiges die eerste keer
Christene genoem (Hand. 11:26).*

Daar is geen twyfel in ons hart dat Jesus werklik die gesalfde van God was nie. Daarom is dit maklik om na Hom te verwys as Jesus, die Christus, die Een wat waarlik gesalf is. Christus beteken immers "Gesalfde". Hy is tog bekragtig met die volheid van die Heilige Gees. Daarom kon Hy hier wandel as verteenwoordiger van die hemel.

Kort na die vestiging van die kerk word daar ook na die gelowiges as Christene verwys. Letterlik sou dit beteken "die gesalfdes". Dit beteken dat die teenwoordigheid van God hulle lewe gevul het.

Salwing was 'n gebruik in die Ou Testament waardeur mense afgesonder is vir bepaalde funksies. Dit het heengewys na die Nuwe Testament waar die Heilige Gees vaardig sou word in die lewe van elke gelowige om ons te

